

ILUARSISSUTIT

Siunnersuut 20. august 2015-imik ullulerneqartoq taarserpaat

Tunngavilersuut

2016-imi aningaasanut inatsisissatut siunnersuutip oqaloqatigiissutigineqarneranut atatillugu Naalakkersuisut aalajangerput neqit neqinillu nioqqutissiat akitsuutaannik qaffaanissaq siunnersuutiginiarnagu, aammalu sukuluut snusillu akitsuutaasa angissusii inatsisissatut siunnersuutaqqaartumut 20. august 2015-imeersumut sanilliullugit appartinniarlugit.

Taassuma kingunerisaanik allannguutit, matumani aamma isertitassatut naatsorsuutigineqartunik nalileeqqinneq oqaaseqaatini ilanngunneqarput.

Uunga siunnersuut: Nioqqutissanik eqqussuinermi akitsuutit pillugit Inatsisartut inatsisaata allanngortinneqarneranik Inatsisartut inatsisaat nr. xx, xXx 2015-imeersoq
(Akitsuutinik qaffaanek kiisalu snusit, sukuluut qummoroortartullu akitsuutaat)

§ 1

Nioqqutissanik eqqussuinermi akitsuutit pillugit Inatsisartut inatsisaanni nr. 19, 30. oktober 1992-imeersumi, Inatsisartut inatsisaatigut nr. 17, 22. november 2011-mi kingullermik allanngortinneqartumi makku allannguutigitinneqarput:

1. § 1, imm. 1, nr. 2-mi allassimasoq ”29 kr. 00 øre” allanngortinneqarpoq ima: ”58 kr. 00 øre”.
2. § 1, imm. 1, nr. 9, ima oqaasertaqassaaq:
"
 - a) Tupat aggukkat, cut plug, tupat aseqqorissut assigisaallu kiisalu
tupat pujullit allat minnerpaamik 1,5 mm-imik silissusillit kg.-mut 492 kr. 00 øre.
 - b) Tupat pujullit allat kg.-mut 1.165 kr. 00 øre.
 - c) Sukuluut aamma snusit fakturami nalingisa 300%-iat.
 - d) Tupat pujoqanngitsut allat. fakturami nalingisa 300%-iat."
3. § 1, imm. 1-imi normutut nutaatut ilanngunneqarpoq:
”27. Qummoroortartut fakturami nalingisa 100%-iat.”

4. § 5 ima oqaasertaqassaaq:

”§ 5. Inatsisartut inatsisaannik matuminnga imaluunniit Inatsisartut inatsisaat manna naapertorlugu aalajangersagaasunik unioqqutitsisoqarpat unioqqutitseriaraluartoqarpalluunniit, akiliisitsisoqarnera akiliisitsisoqannginneraluunniit apeqqutaatinnagu, iluanaarutit pigisallu Kalaallit Nunaanni pinerluttulerinermik inatsimmi kapitali 37 malillugu arsaarinnissutigineqarsinnaapput.

Imm. 2. Imm. 1 naapertorlugu arsaarinnissutit Landskarsimut pisassanngortinneqassapput, soorluttaaq akiliisitsissutit § 4 naapertorlugu angissusilerneqartut Landskarsip pisassarigai.”

5. § 8, *imm. 3*, ima oqaasertaqassaaq:

”*Imm. 3.* Pineqaatissiissuteqarnissamut unnerluussuteqartarnermut aalajangersakkat Kalaallit Nunaannut eqqartuussisarnermik inatsimmi kapitali 38-miittut nalunaaruteqartarnermut imm. 1-imi taaneqartumut tunngatillugu atorneqarsinnaapput.”

§ 2

Inatsisartut inatsisaat saqqummiunneqarnermini atortuulissaaq.

Namminersorlutik Oqartussat, ulloq xx. xxxx 2015

Kim Kielsen